



Inatsisartunut ilaasortaq Aleqa Hammond, Siumut

Kinguaassiuutitigut atornerlugaasimasunut immikkut ittumik suliniuteqarneq pillugu §37 naapertorlugu apeqquteqaat

21. november 2012
Sagsnr. 2012-077007
Dok. Nr. 1067832

Asasara Aleqa Hammond, Siumut

Meeqyanut inersimasunullu kinguaassiuutitigut atornerlugaasimasunut immikkut ittumik suliniuteqarneq pillugu apeqqutinnut qujanaq. Ulloq 8. november 2012 tulliuttunik apeqquteqaateqarputit:

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

1: Naalakkersuisut 2013-mut aningaasanut inatsisissatut siunnersummi kontomi 30.10.46-mi "Kinguaassiuutitigut kanngutsaattuliorfigineqarsimasunut immikkut ittumik suliaq"-mi takuneqarsinnaavoq ukiuni aggersuni malunnaatilimmik aningaasatigut atugassiissuteqarnissaq siunnerfusimanngitsoq.

Apeqqut 1-imut:

Inersimasunik meeraanerminni kinguaassiuutitigut atornerlunneqarnermikkut kingusissukkut kingunipilutsitsisunut katsorsaanikkut kinguaassiuutitigut atornerlugaasimasunut immikkut ittumik suliaq 2013-imiit annertusineqassaaq.

2: Inatsisartut ukiakkut 2009-mili ataatsimoorlutik aalajangiipput nunatsinni kinguaassiuutitigut atornerlunneqarsimasut katsorsaaviannik meeqyanut inersimasunullu atuuttussamik pilersitsisoqassasoq, ullormi manna tikillugu inersimasunut atuutinngitsumik ingerlatsisoqarpooq. Naalakkersuisut qaqugu inersimasunut sammisitamik aamma katsorsavimmik pilersitsiniarpat?

Apeqqut 2-mut:

Inersimasunut meeraanerminni kinguaassiuutitigut atornerlugaanermikkut kingusissukkut kinguneqartitsisunut katsorsarneqarnissamut neqeroorut pilersinneqassaaq. Katsorsarneqarnisamut neqeroorut 2013-ip aallartinnerani/qiteqqunnerani aallartinneqassaaq SAAFFIK-millu aallaaveqartinneqassalluni. Katsorsaaneq katsorsaasunit avataaneersunit ingerlanneqartassaaq. SAAFFIK-up ataqtigissaarinernek suliassat, ilisimasanik katersuineq, piginnaasanik ineriertortitsineq, tulleriaarineq, oqilsaalluni oqaloqateqarneq (supervision) kiisalu inersimasut pillugit suliassaqarfimmik angalasartoqatigiit isumagissavai.

Tamatumunnga atatillugu SAAFFIK-mi sulisut marlunnik ilaneqassapput, Taakku SAAFFIK-up suliassaqarfiiinut akuulluinnarlutik inersimasunik suliassaqarfimmik isumaginnittussaapput.

3: Sineriammi sulisunut ilisimasalinnut pikkorissartitsinerit qassit ingerlanneqarsimalerpat aammalu periarfissamik atuisimasut qassiuppat?

Apeqqut 3-mut:

Saaffik / Meeqjanut inuuusuttunullu kinguaassiuutitigut atornerlugaasimasunut sullissivik Janus Centeret Københavnimiittoo suleqatigalugu 24.26. september 2012-imi nunamit tamarmit peqataaffigineqartumik pikkorissartitsivoq.

Inuit suliassaqaqfimmi suliaqartut katillugit 150 peqataapput. Pikkorissarnermi pisussat allattorsimaffiat ilanngunneqarpoq.

Tamatuma saniatigut qarasaasiakkut quppersagaq tulliuttoq innersuussutigineqarpoq:

http://dk.nanoq.gl/Emner/Landsstyre/Departementer/Departement_for_familie_kultur_kirke_ligestilling/Familie/Strategier%20og%20projekter/Saaffik/Tværfagligt%20kursus.aspx

Pikkorissarneq illoqarfanni ataasiakkaani tamani pikkorissarnernik malitseqartinneqassaaq. Pikkorissarneq siulleq Maniitsumi sapaatip akunnera 49-mi ingerlanneqassaaq, ullunik 4-nik sisivussuseqarluni 25-nillu peqataasoqarluni. Tamatuma kingorna illoqarfiiit sinnerini, nunaqarfittai ilanngullugit, pikkorissaanerit januar 2013-imiit ingerlanneqartassapput. Maannakkorpiaq najukkani pikkorissarnerit pilersaarusiorniarlugit illoqarfiiit assigiinngitsut isumaqatiginiarneqarput.

4: Najukkami kiffartuussinerit qassit nunaqarfiiit tikillugit ingerlatsiffigineqarsimappat, soorlu tamanna kontokkut periarfissiissuteqartoq?

Apeqqut 4-mut:

Aningaasanut inatsimmi Konto pingaardeq 30.10.46 Kinguaassiuutitigut atornerlugaasimasunut immikkut ittumik suliniuteqarneq, imatut allassimavoq "Sullissiviup angalasartoqatigeeqarneq isumagissavaa, kommunit suleqatigalugit najukkami sullisisinnaasut, ilaatigut nunaqarfanni isorliunerusunilu."

Oqaatigineqarsinnaavoq kingullermik Qaqortumut juli 2012-imi angalasoqarmat.

Ilanngullugu oqaatigineqarsinnaavoq 4. – 10. december 2012-imi Maniitsumut Atammimmullu angalasoqartussaammat, angalanerillu allat pilersaarutigineqartut 2013-imi sapaatip akunnerani 2-miit ingerlanneqartussaallutik.

Inussiarnersumik inuullaqqusillunga

Mimi Karlsen